



## Buvddas

Odne lea mánáigárdi vuolgimin gávppašit. Sii galget gávppašit dasgo ihttin áigot sii láibut bulláid. Mánáidgárdde bargi leat čállán báberbiht-táži maid sii galget oastit. Juohkehaččas lea dakkár gávppašanlistu lupmas vai beassá dárkistit muitet go visot.

Dasa lea čállon: Nisojåffut, jeasta, vuodja, sohkar ja mielki.

Dál leat mánát čuožžilan ráidun, guovttis ja guovttis giehtalágaid. Gergosat vuolgit buvdii.

Sii vázzet ráidun.

Go jovdet buvdii de váldá mánáidgárdde bargi gávppašanvovnna besset borramušgálvvuid dohko bidjat. Buvddas leat unna gávppašanvovnnat maid muhto daid eai áiggo dán háve geavahit.

-Váldet dal dan gávppašanlistu ja lohket mii dasa lea čállon, dahttu bargi.

Juohkehaš nahkkiha gieda lupmii váldindihtii gávppašanlista.

- Mun in máhte lohkat, dadjá muhtun.

- Ii dat daga maidege, mii han geahččat ovttas. Mii lea čállon bajimužžii? Jearrala bargi.

-Nnnniisooo, stáve Ovllá.

-Nisojåffut, dadjá muhtun.

Nu fal: Gos son dat nisojåffut leat? Dán buvddas

vuvdet sihke huskendávviid, biktasiid ja borramušgálvvuid. Sii vázzet ilduid gaskka dassáži go bohtet dohko gos leat borramušgálvvut. Dál sii leat gávdnan buot maid dárbašit, sihke nisojåffuid, jeasta, sohkkara, vuoja ja mielkki.

Maid son buvdabargit barget beivviid? imaštii muhtun.

- Mii han sáhttit jearralit don buvdabargis gii kássas čohkká?

Mánát bardet galvvuid diskka ala. Buvdabargi geasá gálvvu máksinkássa meattá, dat civkkiha juohke heave go gálvvu rohtte meattá, civ, civ, civ...

- 352 kruvnna, dadjá buvdabargi gálvvu máksit.

- Bija mánáidgárdde rehket ala dien, dajai mánáidgárdde bargi.

Buvdabargi dahká dan.

- It ban dárbaš máksit dán gálvvu, jearrala okta.

- De fertet máksit. Mánáidgárddit sáhttet vealggás váldit gálvvu ja de sádde buvda mánná rehkega mánáidgárdái. Dalle mii máksit dan rehkega, máksit daid gálvvuid maid dál váldit.

- Eadni gal láve koarttain máksit. Bohtá go dalle rehket?

- Dalle gal ii boade, dadjá buvdabargi.

- Maid buvdabargit barget beivviid, muitái Ovlá jearrat.

- Mii čohkkát dás kássa ja váldit mávssu gálvvuid ovddas. Go eai leat olbmot gávppašeamen de mii deavdit gálvvuid ilduide. Muhtumin fertet maid bassat daid ilduid gos gálvvut leat. Dastto fertet mii hatti bidjat gálvvuide vai dát másiidna máhtta rehkenastit man ollu gálvvut mákset oktiibuot, go dii gávppašehket. Ja de leat ildoravdii merken galle kruvna gálvu máksá.

- Mo ban dan dahkabehtet?

Buvdabargi váldá njálggespose mii lea diskka guoras. Jos geahččabehtet dá, de lea juohke gálvvus diekkár sárgát. Diet sárgat leat dakkár kodat mat muitalit man ollu gálvu máksá. Juohke háve go bijan gálvvu dán kássa meattá, dat lohka dan koda ja de dat civkkáda. Dalle lea lohkan man ollu gálvu máksá. Jos ii civkkát, de ferten deaddit dieid unna tállaid mat leat dies vuolábealde, diet maid muitalit ollu gálvu máksá. Ja go de lean buot din gálvvuid bidjan kássa meattá de lea dat rehkenastán man olu máksá oktiibuot.

- wow... gal diet gal orro váttis.

-Ii leat nu váttis go dan oahppá.

Ammes, mun gal ferten din rábmot. Mun oidnen dii leiddet nu čeahpit, vácciidet čábbát buvddas ehpetge viegadan. Dasa mun gal liikojin, dadjá buvdabargi


- Giitu!

Mánáidgárdde bargi bijai gálvvuid lávkii ja de fas vázziledje ráidun mánáidgárdái.

- Manne son buvddas ii galgga viegadi?

*Ruđat*

*Mii leat dahkan ruđaid maid dii sáhttibehtet čálihit ja mánget ja maiguin mánát sáhttet stoahkat buvdda. Čohkkejehket guorus emballáše dego guoros mielkepáhkaid, jáffoskáhpuid, hermetihkkabovssaid, ja ollu eará. Muitet doidit ja bassat daid bures. Daid sáhtta bardit mánáidgárdde "buvdahilduide" ja mánát sáhttet stoahkat buvdda ja gávppašemi ruđaiguin.*



J á f f u t

Š a t t u t

Nisojãffut  
jeasta  
vuodja  
sohkar  
mielki



